



Erik Jensen
Inatsisartunut ilaasortaq, Siumut

§ 37 naapertorlugu apeqqutip nr. 92-2021-p akineqarnera – KNR innuttaasunik kiffartuussinermi angusaqarnissamik isumaqatigiissusiarlu pillugu

23-07-2019
Sagsnr. 2021 - 13671
Akt nr. 17428206

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Erik Jensen

Inatsisartut suleriaasiat naapertorlugu apeqqutinnut qujanaq.
Apeqqutigineqartut tullinnguuttuni akissuteqarfigissavakka.

Apeqqut 1: *KNR innuttaasunik kiffartuussinissamut pisussaaffianut (public service pillugu isumaqatigiissut) aallaavigalugu, qanoq annertutigisumik sinerissami TV/Radio-qarfinnut pisisussaataitaaffeqarpa?*

Akissut: KNR-i § 25, imm. 3 Inatsisartut Inatsisaat nr. 7, 8. juni 2014-imeersoq (radiomut TV-mullu inatsit) Innuttaasunik kiffartuussinermi angusaqarnissamik isumaqatigiissullu malillugit pisussaataitaavoq avataani aallakaatitassianik pissarsisassasoq, imatut paasillugu sinerissami TV/Radio-qarfinniinnaangitsoq.

KNR-ip siulersuisui Naalakkersuisullu akornanni Innuttaasunik kiffartuussinermi angusaqarnissamik piffissami 1. januar 2019-imiit 31. december 2022-p tungaanut isumaqatigiissutaavoq ukiumut KNR-ip radiomi 75 tiimit TV-milu 100 tiimit avataanit pissarsiarisassagai.

Apeqqut 2: *Tamanna procent-inngorlugu aammalu aningaasanngorlugu isumaqatigiissuteqarpa?*

Akissut: Procent-inngorlugu imaluunnit aningaasanngorlugu isumaqatigiissutigineqanngilaq, apeqqut 1-imut akissut takuuk.

Apeqqut 3: Aappi-uppat: Qanoq nalileqarpa?

Akissut: Apeqqut 2-mut akissut takuuk.

Apeqquut 4: Ukiuni 2019, 2020 aammalu 2021-imi sinerissamiit TV/Radio-nut qanoq aningaasatigut sinerissamiit pisiortortarsimanerit isikkoqarpat?

Akissut: Apeqqummut akissuteqaatissatsinnut paasissutissanik KNR-imut piniarnikuuvugut.

KNR-ip ilisimatitsissutigaa avataanit aallakaatitassiarineqartut marlunnut assigiingitsunut immikkoortillugit inissittarlugit.

Siulleg tassaavoq “Avataanit aallakaatitassianik pisineq”, tassani pisiffigineqartarput aallakaatitassiortartut namminerisaminnik CVR-illit aallakaatitassiaminnik akiligassiisinnaasut, tassani pineqakkajupput sinerissami TV/Radio-qarfiit.

Tullia tassaavoq “Avataaneersunik akissarsisitsineq”, tassani aallakaatitassiortartut ataasiakkaat akilernerqartarput akileraarutissaannik ilanngaateqqaarlugit. Akissarsiallu ilaat ilaatigut atornerqartarlutik inunnut ataasiakkaanut radio- aamma tv-kkut aallakaatitassianut peqataasunut.

“Avataanit aallakaatitassianik pisineq”

Immikkoortoq	2019	2020	2021
Radio	858.948,00	1.056.260,00	202.500,00
Nutaarsiassat	880.850,00	242.814,00	178.509,03
TV	3.226.345,25	2.675.269,00	1.331.477,83
Katillugit	4.966.143,25	3.974.343,00	1.712.486,86

“Avataaneersunik akissarsisitsineq”

Immikkoortoq	2019	2020	2021
Radio	599.133,32	625.473,00	277.520,00
Nutaarsiassat	189.105,17	128.863,35	14.696,76
TV	1.872.282,54	1.499.540,25	691.023,39
Katillugit	2.660.521,03	2.253.876,60	983.240,15

Apeqquut 5: Naalackersuisut ilisimasaqarpat attaveqaatitigut unioqqutitsilluni isiginnaartoqarsinnaaneraniq?

Akissut: TV-kkut aallakaatitassianik unioqqutitsilluni siammarterisoqartarnerisq Naalackersuisut ilisimasaqarfiginngilaat.

Apeqquut 6: Naalackersuisut unioqqutitsilluni isiginnaartoqarsinnaappat qanoq iliuuseqarfiginiarpaat?

Akissut: Inatsimmik unioqutitsineq sumorpiaq tunnganersoq apequtaassaaq.

§ 4 radiomut TV-mullu inatsimmi naapertorlugu tusarnaagassianik isiginnaagassianillu Kalaallit Nunaanneersunik nunanillu allaneersunik aallakaatitsissutit digitaliusut iluaqutigalugit nuna tamakkerlugu siammarterineq taamaallaat Naalakkersuisut akuersissuteqarnerisigut pisinnaavoq. Akuersissullu taanna pigineqanngippat siammarterisoq ernertumik peqquneqassaaq siammarteriunnaaqullugu.

Radiomut TV-mullu inatsimmitaaq § 54-imi aalajangersarneqarpoq Naalakkersuisut nakkutigisarigaat KNR-ip aamma radioqarfiit tv-qarfiillu allat radiukkut tv-kkullu aallakaatitsinermut maleruagassanik eqquutsitsinersut. Tassungalu atatillugu Inatsisartut inatsisaannik, Inatsisartut inatsisaat malillugu aalajangersakkanik akuersissuteqarnernilu malitassanik unioqutitsinerit Naalakkersuisunit uparuarneqarsinnaapput.

Naalakkersuisut nakkutilliinerminni atugassaminnik KNR aallakaatitsisinnaanermullu akuersissummik pigisaqartoq piumasaqaateqarfigisinnaavaat ingerlatsiviup ingerlatsineranut paasisutissanik tunniusseqqullugu.

Inatsimmik unioqutitsineq kinguneqarsinnaavoq sumiiffimmi aallakaatitsisinnaanermut imaluunnit nuna tamakkerlugu aallakaatitsisinnaanermut akuersissummik atuukkunnaarsitsinermik kinguneqarsinnaavoq radiomut TV-mullu inatsimmi § 19 imm. 2 nr. 4 aamma imm. 3 malillugu, soorlu aamma § 55 malillugu akiligassiisoqarsinnaasoq aallakaatitassiornermut siammarterisinnaanermut akuersissummik peqartinnani.

Apeqquut 7: Naalakkersuisut tusagassiuutit pillugit inatsisissamik (medielov) pilersaaruteqarpat?

Akissut: Naalakkersuisut pilersaarutigaat Radiukkut tv-kkullu aallakaatitsisarneq pillugu Inatsisartut Inatsisaat nr. 7, 8. juni 2014-imeersoq nutartissallugu, tusagassiuutillu pillugit inatsimmik (medielov) atuutsitsilernissamik pilersaaruteqaratik.

Apeqquut 8: Naalakkersuisut tusagassiorfiit nukittorsaaffiginissaat pitsanngorsaaffiginissaallu pillugit sunik pilersaaruteqarpat?

Akissut: Naalakkersuisut pilersaaruteqarput sinerissamiit soorlu kulturikkut pikialaartitsisarnernit immiussisarnissamik sapinngisamillu siammarterisarnissamik nukittorsaqaataanissamut.

Apeqquut 9: Naalakkersuisut tusagassiorfiit nukittorsaaffiginissaat pitsanngorsaaffiginissaallu pillugit inatsisitigut tigussaasumik

aaqqissuussiviginissaannik siunertalimmik saqqummiussinissamik ukiamut
UKA21-imut pilersaaruteqarpat?

Akissut: Apeqquut 8-mut akissut takuuk.

Inussiarnersumik inuulluaqqusilluta

A handwritten signature in blue ink, appearing to be 'Peter Olsen', written in a cursive style.

Peter Olsen

Naalakkersuisoq